

KAIN JOREEN KO


Woden bol kein rej bed ilo kauwatata jen joreen kein einwot:



KWAR KE JELA...

1 ilo 4 business ko rejab maron in wonmaanlak wot elanne rejab maron in bobrae ki er make elikin an joreen ko rellap bok jikier.¹

Ewor juon wawein komaron kamane nan am bobrae ki im kemour bijnej eo am.



Ejaake juon am BCP im jinooe kojerbale.

Elanne ejanin kar wor am BCP ak kojanin kar ron kake, jouj im taunlooti ak boke monakjen in im eiki juon am ilo am loori 12 bunten ko rej kemlet ilo pipso.org.fj/stayopen

KADIKLOK JOREEN AK MENIN KAUWATATA KO, KAPOJAK, IM KAMANI JONAK KO REKKAR NAN AM JIBAN YUK MAKE JEN MENIN JOREEN KO.

JAIKULOUN AK KOTO KO REKAJOUR

Cyclone ak koto ko rekajoor im aer in mejatoto rej walok ilo an okmenen lojet im kaman menin an eddo kodo ko im erom lan ak koto ko rekajoor. Ekka an walok ilo woden bol kein kin an menen lojet im tutu mejatoto eo eniin ekaman menin an wor cyclone. Koto kein ekka aer walok im remaron kaman joreen. Kajoor ko aer rej walok ekkar nan jonan kilep ko aer. Remaron kakure kein ekkan ko, em ko im maron kaman no ko reutie.



len lap koto:

Jouj im ronjake radio ko ak lale news ko ilo tv ak computer ko nejimi elanne enaaj wor cyclone ak jarjar in koto kein rekajoor bwe kwon maron in kojparok baamle ko am im bijnej eo am jen aer joreen.

JONAN KAJOUR IN KOTO KEIN



Koto ko rekajoor im maron kakure kein ekkan ko im wojke ko (39-77 mph)



Koto ko rekajoor im maron kakure kokalle ko ilo ial ko im wojke ko. Elap an kaman joreen nan kein ekkan ko im maron kaman menin an kun jarom (77-101 mph)



Koto ko rekajoor me remaron kakure raan moko im kaman an kun jarom (101-139mph)



Koto ko rekajoor me remaron kaman menoknok ko mejatoto im menin an kun jarom (139-173 mph)



Koto ko elap tata aer kajoor im maron kaman jabdewot kain joreen (173mph im laplak)

NAN MELELE KO RELLAB LAK

KEPOOJ BIJNEJ EO AM NAN AN JELMAE ELON JOREEN KO.

PIPSO.ORG.FJ/STAYOPEN



MORAMROM IN TOREREIN TOL KO

Landslide ak moramrom in torerein tol ko remaron kaman menin an wotlak dreka kilep ko, wojke, im bidej jen ioon tol ko im kalbubuuk juon jukjuk in bed im ej juon men eo elap an kauwatata ej walok jen an emakitkit lal im rup ioon tol ko im kaman menin an joreen ialan leto letok dren ko im men ko eierlokwt.



JUNAMI AK NO KO RELAP

Junami ak no ko relap me rej jidimkij aer rej ejaak jen ne ej emakitkit lal, rub ioon tol ko im men ko eierlokwt im emaron bok mour an armej im kamani joreen ko relap. Kakolkol ko nan juon junami ak no ko reutiej ej walok ilo jonan kajoor in an emakitkit lal im elanne koj bed turin lojet, konaaj loe an keliklak dren eo berijet jen jonan eo ekke an bed ie. Ne enaaj walok jokjok in, mokaj im etal nan ijoko reutiej im loore ta ko rej ba ilo radio im mejatoto jen ro telokier.



IBWIJLEPLEP

Ibwijleplep ej bok jikin elanne ene emore ej luboleplep kin dren. Kinke jej ioon koto relap im wot mijeljel ko, reba ko im jikin jokwe an armej remaron in ibwijleplep im aurok bwe jen kapojak nan ien rot kein. Ibwijleplep emaron kakure rekoot in bijnej eo am ekoba mweik im menin jeraman ko jet.



KIJEEK KO ILO MWEO IM MOKO RELAP

Kijeeek ej walok jen an armej kattil ne jab jen jarom in lan ko. Emenin aurok bwe kwon jela ke kijeeek emokaj an emakitkit im baat ko rej walok jeni elap aer kauwatata. Juon kijeeek jidikdik emaron erom juon kijeeek kileplep iloaan wot 30 jekon im 2 minit tokelik emaron erom juon menin kauwatata nan mour an armej. Ne enaaj bok jikin, ejelok ien buki men ko mweiem ak kwol e ro jet, ewor wot ien nan am jutak im ko. Kwaikuj tobalbal iumin baat ko nan ijo ebaak tata im emaron eman nan am bobrae ki yuk jen joreen.



LAN AK WOT KO REMMIJEL

Lan ak anjiwiwi in mejatoto im wot ko remmijel remaron kaman menin an utiej lak no ko im kajoor aer rub ioon barijet im ej kauwatata nan mour an armej, mweik, ial, im briij ko torerein lojet. No ko rej walok ejab einwot ien junami, ijoke ekutkut im mokaj an no tartar ane tak im maron kakure ialan ko ko im kakure men ko mweien armej.



BOLKENO AK TOL KO REJ RUB

Bolkeno ak tol ko me remaron rub jabdewot ien im toor lak kin kijek ak men eo rej nae etan lava ilo woden bol kein. Remaron rub elanne aer in kiaj ko ibulon lal rej laplak im kajoor lak. Volcanoe kein remaron kojekadkad kijeeek, remaron kaman melkwarar, kadiwojtok kiaj ko repaijin nan an armej menono, kakure mweik ko, nien dren ko, bok mour an armej, im men ko eierlokwt. Etal nan jikin ko ko bwe kwon maron in bobrae ki yuk jen joreen ko rej walok jen bolkeno kein.



MAKITKIT IN LAL AK JEPEEPLAK IN ANE

Makitkit in lal ak jepeeplak ane ekka an walok ne aer in bulon lal ej walok ilo an emakit bedbedin woden bol kein. Elon joreen ko remaron walok jen an makitkit lal im kakure mweik im menin jeraman ko im bok mour an elon armej. Juon naan in rojan ej bwe elanne konaaj ioon an makitkit lal ilo juon tore eo aetok im eben am jutak kankan, kwaikuj emakit nan ijoko reiutiej ien eo emokaj tata elanne enaaj bojtrak. Wawein in ej kokalle in an nej wor ak walok no ko elap aer utiej.



LEN MORE AK NUTA

Len more ej walok elanne ejab wot ilo juon kota eo aetok im ej kaman bwe nien bobo ren ko en ejelok kobbaer. Ej kaman menin an mej lak kein ekkan ko im bidodo aer bwil. Men kein remaron jelet ejmour, jokkun mour, im menin mour ko im ko eierlokwt. Nan jiban bobrae menin, jaikuj kojparok wawein ad kojberbal dren im loore kakien ko jen ro rej lolorjake dren.

Endnotes:

¹ Civil Defence Wellington Region Emergency Management Office. (2017). Retrieved February 24, 2017, from Wellington Region Emergency Management website, <http://www.getprepared.org.nz/>

© Pacific Community (SPC) 2017

All rights for commercial/for-profit reproduction or translation, in any form, reserved. SPC authorises the partial reproduction or translation of this material for scientific, educational or research purposes, provided that SPC and the source document are properly acknowledged. Permission to reproduce the document and/or translate in whole, in any form, whether for commercial/for profit or non-profit purposes, must be requested in writing. Original SPC artwork may not be altered or separately published without permission.

Komol Tata nan aolep ro rekar letok jaan in jiban im bok konaer ilo jermal in

Juon kamolol eo ejenolok nan



NAN MELELE KO RELLAB LAK

KEPOOJ BIJNEJ EO AM NAN AN JELMAE ELON JOREEN KO.

PIPSO.ORG.FJ/STAYOPEN